

384/21

**Bosna i Hercegovina
Federacija Bosne i Hercegovine
GRAD ZENICA**

**Zeničko –Dobojski Kanton
Služba za boračko-invalidsku i socijalnu zaštitu, stambene poslove i društvene djelatnosti
Trg BiH 6 - 72 000 Zenica**

**Broj:07-31-6546/21
Zenica, 06.04.2021.godine**

**GRAD ZENICA
STRUČNA SLUŽBA GRADSKOG VIJEĆA**

**PREDMET: Prijedlog Odluke o subvencioniranju troškova grijanja
- dostavlja se**

U skladu sa obavezama dostavljamo Prijedlog odluke o subvencioniranje troškova grijanja za grejnu sezonu 2020/2021 godinu, napominjemo da kasnimo sa realizacijom iste i neophodno je da bude uvrštena i usvojena na narednoj sjednici, sredstva za realizaciju navedene Odluke planirana su u budžetu.

Molimo da istu uvrstite na razmatranje na narednoj sjednici Gradskog vijeća Zenica.

S poštovanjem,

Pripremila: Danijela Dalmacija – Pavlović, dipl. pravnik

DJP

Prilog: Prijedlog Odluke o subvencioniranju troškova grijanja

Dostavljeno :

1 x Naslovu

1 x a/a

POMOĆNIK GRADONAČELNIKA

Sumea Mujkanović



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA**

PRIJEDLOG

OBRADIVAČ:

Služba za boračko-invalidsku i socijalnu zaštitu, stambene poslove i društvene djelatnost

JU Centar za socijalni rad Zenica

**ODLUKA
O SUBVENCIONIRANJU TROŠKOVA
GRIJANJA**

Zenica, april 2021. godine

Na osnovu člana 21.Statuta Grada Zenica („Službene novine grada Zenica“, broj 5/15) i člana 36. Poslovnika Gradskog vijeća („ Službene novine grada Zenica“ broj 4/17), a u vezi sa članom 29. i 72. Zakona o socijalnoj zaštiti, zaštiti civilnih žrtava rata i zaštite porodice sa djecom („Službene novine ZE-DO kantona“ broj: 13/07, 13/11, 3/15 i 2/16) Gradsko vijeće Zenica na _____ sjednici održanoj ____ .04.2021. godine, donosi:

ODLUKU O SUBVENCIONIRANJU TROŠKOVA GRIJANJA ZA SEZONU 2020/2021

I. Opće odredbe

Član 1.

Ovom odlukom utvrđuje se pravo na subvencioniranje troškova grijanja, obim prava, korisnici prava, uslovi za ostvarivanje prava, postupak za ostvarivanje prava, sredstva za finansiranje, kao i druga pitanja od značaja za ostvarivanje prava na subvenciju troškova grijanja.

Član 2.

- (1) Troškovi grijanja u smislu ove odluke su:

troškovi zagrijavanja stambenog prostora toplotnom energijom iz sistema centralnog grijanja kojim upravlja JP „Grijanje“ Zenica (u daljem tekstu: centralno grijanje)

troškovi zagrijavanja stambenog prostora alternativnim izvorima toplotne energije kao što su: drvo, ugalj, plin, nafta i dr., (u daljem tekstu: alternativno grijanje).

- (2) Troškovima grijanja, u smislu ove odluke smatraju se troškovi nastali u periodu od 01 .07.2020. do 30.06.2021. godine.

II. Obim prava na subvencioniranje troškova grijanja

Član 3.

- (1) Subvencioniranje troškova grijanja (u daljem tekstu: subvencija) u smislu ove odluke je pravo na subvenciju troškova:

1. alternativnog grijanja u jednokratnom iznosu od 100,00 KM,
2. 100% iznosa mjesečnih računa za usluge centralnog grijanja.

- (2) Računom centralnog grijanja smatra se račun JP „Grijanje“ Zenica ispostavljen licima koja ostvaruju pravo na subvenciju u skladu sa ovom odlukom.

III. Korisnici prava na subvenciju

Član 4.

- (1) Korisnik prava na subvenciju je korisnik prava na stalnu novčanu pomoć kod JU Centar za socijalni rad Zenica, koji je ostvario pravo do 15.10.2020. godine.
- (2) Korisnici su dužni prijaviti svaku nastalu promjenu koja je od uticaja za ostvarivanje ovoga prava u roku od 15 dana od dana nastale promjene.

Član 5.

Prava iz ove odluke su lična, neprenosiva i mogu se koristiti samo po jednom osnovu.

IV. Postupak za ostvarivanje prava na subvenciju

Član 6.

1. Postupak za ostvarivanje prava na subvenciju troškova po ovoj odluci po službenoj dužnosti vodi JU Centar za socijalni rad Zenica (u daljem tekstu: Centar).
2. Subvencioniranje troškova centralnog grijanja vršiće se na slijedeći način:

Centar izrađuje tabelarni pregled korisnika koji sadrži slijedeće elemente: redni broj, prezime i ime korisnika, prezime i ime lica kod koga korisnik stanuje, adresa stana, površinu stana u m², broj članova domaćinstva, period za obračun i iznos subvencije. Ovako sačinjen pregled Centar dostavlja JP „Grijanje“ Zenica radi usaglašavanja.

Nakon usaglašenog pregleda između Centra i JP „Grijanje“ Zenica Centar vrši izradu rješenja, spajanjem predmeta u jedan, u skraćenoj formi, bez obrazloženja koje sadrži sve elemente iz usaglašenog tabelarnog pregleda.

3. Subvencioniranje troškova alternativnog grijanja vršiće se na slijedeći način:

Centar za socijalni rad vrši izradu rješenja, spajanjem predmeta u jedan, u skraćenoj formi, bez obrazloženja koje, pored novčanog iznosa, sadrži i slijedeće elemente: redni broj, prezime i ime korisnika, JMBG korisnika i adresu korisnika.

4. Rješenja iz stava (2) i (3) ovoga člana objavljuju se na oglasnoj tabli Centra. Rješenja postaju pravosnažna osmog dana nakon objavljivanja na oglasnoj tabli.
5. Pravosnažno rješenje kojim je utvrđeno pravo na subvenciju troškova centralnog grijanja Centar prosljeđuje JP „Grijanje“ Zenica na dalje postupanje, JP „Grijanje“ Zenica za korisnike, prema dostavljenom pravosnažnom rješenju, Centru ispostavlja obračun kao osnov za plaćanje.
6. Rješenje kojim je utvrđeno pravo na subvenciju troškova alternativnog grijanja realizovaće se po propisima i procedurama trezorskog poslovanja.
7. Pravosnažna rješenja kojim je utvrđeno pravo na subvenciju se dostavljaju i Službi za boračko-invalidsku i socijalnu zaštitu, stambene poslove i društvene djelatnosti.

VI. Sredstva za finansiranje

Član 8.

Finansijska sredstva za realizaciju ove odluke planirana su u Budžetu Grada Zenica za 2021. godinu na poziciji budžetskog korisnika JU Centar za socijalni rad Zenica, organizacioni kod 59010002, Posebne namjene, Ekonomski kod 614200, Budžetska pozicija 181 – Izdaci za grijanje korisnika socijalne pomoći.

VII Prijelazne i završne odredbe

Član 9.

Korisnici stalne novčane pomoći kod JU Centar za socijalni rad Zenica, nastanjeni u naselju Kamp Putovići, za koje Grad Zenica plaća električnu energiju, ne ostvaruju pravo na subvenciju na alternativno grijanje iz člana 3. ove odluke.

Član 10.

Za realizaciju ove Odluke zadužuju se:

JU Centar za socijalni rad Zenica

Službi za boračko-invalidsku i socijalnu zaštitu, stambene poslove i društvene djelatnosti,

Služba za budžet i finansije Grada Zenica i

JP „Grijanje“ Zenica.

Član 11.

Ova odluka stupa na snagu danom donošenja i objavit će se u „Službenim novinama Grada Zenica“.

Broj: _____/21
Zenica, _____ 2021. godine

Predsjedavajuća
Gradskog vijeća Zenica

Almir Babajić

DOSTAVLJENO:

- 1 x Gradonačelnik,
(putem Službe kabineta Gradonačelnika)
- 1 x JU Centar za socijalni rad Zenica,
- 1 x Služba za boračko – invalidsku i socijalnu zaštitu,
stambene poslove i društvene djelatnosti,
- 1 x Služba za finansije,
- 1 x Službene novine Grada Zenica,
- 1 x Stručna služba Gradskog vijeće,
- 1 x a/a,

O B R A Z L O Ž E N J E

Pravni osnov

Zakon o principima lokalne samouprave FBiH, na osnovu člana 8. („Službene novine FBiH“ broj: 49/06 i 51/09),
Statut Grada Zenice, član 21. („Službene novine grad Zenica“, broj 5/15),
Član 36. Poslovnika Gradskog vijeća („Službene novine grada Zenica“ broj 4/17),
Član 29. i 72. Zakona o socijalnoj zaštiti, zaštiti civilnih žrtava rata i zaštite porodice sa djecom, („Službene novine ZE-DO kantona“ broj:13/07).

Razlozi za donošenje

Strategija razvoja Grada Zenica 2012-2022 godina,
Mogućnost ostvarivanja dodatnih prava,
Zahtjevi korisnika stalne novčane pomoći,
Amandman na prijedlog budžeta za 2021 godinu Vijećnika Zeničke inicijative, SDP-a, Naroda i pravde, Nezavisnog blok, samostalnog vijećnika Edisa Sjerotanovića i predstavnika nacionalnih manjina Osmana Šuvalića;

Pojašnjenje ponuđenih rješenja

Predlagači su u izradi ove odluke koristili i uvažavali:

- Pravila i tehnike pravnog normiranja,
- Iskustva u implementaciji ranijih donesenih odluka istog karaktera,
- Ciljeve lokalne socijalne politike utvrđenim u Strategiji razvoja Grada Zenica 2012-2022, rješenja o pravima iz socijalne zaštite i zaštite porodice sa djecom koja je ponudio kantonalni Zakon o socijalnoj zaštiti, zaštiti civilnih žrtava rata i zaštite porodice sa djecom.

Ponuđena rješenja teže da postignu kontinuitet zaštite kategorija stanovništva koje ostvaruje nek osnovna prava socijalne zaštite kod Centra za socijalni rad (korisnici stalne novčane pomoći). Obim prava je usmjeren na subvenciju troškova grijanja. Postupak za ostvarivanje prava vodi Centar po službenoj dužnosti. To znači da korisnici neće morati podnositi zahtjeve a samim time neće morati ni dostavljati bilo kakvu prateću dokumentaciju kao dokaze. Centar će voditi postupak na osnovu dokumentacije kojom raspolaže o korisnicima stalne novčane pomoći.

Finansijska sredstva

Finansijska sredstva za realizaciju ove odluke planirana su u Budžetu Grada Zenica za 2021. godinu na poziciji budžetskog korisnika JU Centar za socijalni rad Zenica, organizacioni kod 59010002, Posebne namjene, Ekonomski kod 614200, Budžetska pozicija 181 – Izdaci za grijanje korisnika socijalne pomoći.